



Bak Bi Buekguh Couq Hungmbwk Haenqrengz Raizok Biencieng Moq

百年峥嵘铸辉煌 奋力谱写新篇章

——Gij gangjavah youqgaenj Siz Ginbingz cungjsuhgi youq Aen Daihhoih Angqhoh Cunghgoz Gungcanjdangj Laebbaenz 100 Hopbi, youq sevei gak gyaiq Guengjsae fanjyiengj hoenghhwd

——习近平总书记在庆祝中国共产党成立100周年大会上的重要讲话在广西社会各界引发热烈反响

□ Moz Beibei

7 nyied 1 hauh banhaet, Aen Daihhoih Angqhoh Cunghgoz Gungcanjdangj Laebbaenz 100 Hopbi youq Baekging Denh'anhmwz Gvangcangz hoenghhwd ciuhai, Cunghgung Cunghyangh cungjsuhgi, guekgya cujsiz, Cunghyangh Ginhveij cujsiz Siz Ginbingz gangj gij gangjavah youqgaenj. De giengzdiuh, ginggvaq daengx aendangj daengx guek gak cuz lwgminz laebdaeb haenqrengz buekguh, raeuz saedyienh le aen moegbiu buekguh bak bi daih'it, youq gwnznameh Cunghvaz cienzmienh laebbaenz le siujgangh sevei, gaijgez le gij vwndiz cieddoi q gungzhoj lizsij caengz guh baenz gvaq, cingq cingsaenz gvaekgvaek yamq coh aen moegbiu buekguh bak bi daihngaih cienzmienh laebbaenz aen guekak sevei cuji yendaiva ndeu.

Gij gangjavah cungjsuhgi hawj Guengjsae gak cuz lwgminz lwedndat goenjfan, youq gyoengq ganbu ginzcong sevei gak gyaiq gih raeuz yinxfat fanjyiengj haenq.

Swcigh Yinzliz Swhyen Sevei Bauj-cangdingh Swyez Danhvei Yinzsw Gvanjljicu cucangj Cai Yimeiz naeuz, cungjsuhgi youq gwnz daihhoih giengzdiuh, gij goekrag Cunghgoz Gungcanjdangj youq lwgminz, gij lwed youq lwgminz, gij rengz youq lwgminz. De guh boux dangjyenz ganbu youq gwnz roen moq, yae gaenxmaenx yangjyeng Dangicunghyangh haucan, laebdaeb saedhengz aen fazcanj swhsiengj aeu lwgminz guh cungsim, aeu vih beksingq cimh leih cimh ik, gej nanz gej you dangguh giz roengzfwngz caeuq giz roengzrengz youqgaenj gvendaengz gij gaijgwz yinzsw cidu saehnieb danhvei, hopheux gij vwndiz boux youq swyez danhvei guhhong gaenj guh, nanz guh, simyou, maqmuengh haenx, doenggvaq mboujduenh cauhoq gij banhfap cwngcwz, saedguh ndei gak cungj hong yinx vunz, ganq vunz, ce vunz gvendaengz gyoengq swyez danhvei goenghai ciu vunz, an vihhong, gij vihhong cingj vunz guh daengj, caiq fugsah ndei daengx gih sam fanh lai aen swyez danhvei caeuq bak fanh lai boux youq ndaw swyez danhvei guhhong de, guhbaenz "dieggumz cwngcwz", yinx engqlai vunzcaiz daeuj Guengjsae, fugsah Guengjsae, vih cauhaeb aen Guengjsae gyaunde sevei cuji

miz gij daegsaek Cungguek gunghawj gyoengq vunzcaiz baenzboengj.

Gvangsiah Baujhu Caeuq Yenzgiu Gij Sawgaeuq Saujsu Minzcuz Cungsime cujyin Veiz Yuzcu naeuz: "Cunghgoz Gungcanjdangj laemxsim guh gij saehnieb hungmbwk Cunghvaz Minzcuz, bak bi cingq dwg mwh hoenghhwd. Seizneix gij sawgaeuq siujsoq gou yenzgiu minzcuz neix daj hainduj daengz seizneix cungj caengz rim hajcib bi, lij lumj laeq lwgnyez deq cij, engq aeu roengzrengz. Youq gwnz roen moq yenzgiu gij sawgaeuq siujsoq minzcuz, itdingh aeu fatyiengz gij cingsaenz hungmbwk laeb dangj, guh hong minzcuz aeu ndaetndaet hopheux diuz cawjsienq cukmaenh gij eiqsik caezcaemh Cunghvaz Minzcuz, genhciz 'baujhoh youqgaenj, ciengjgouq daih'it, hableix leihyung, gyagiengz guenjieix' diuz gunghcoz fuengcim neix, cienzmienh guh ndei gij hong soucomz caeuq baujhoh gij sawgaeuq gak minzcuz, caemhcaiq gyalag yenzgiu, vih Guengjsae gyamaenh gya'gvangq gij makbaenz daengx guek minzcuz doxgiet baenaj sifangih daezhawj gij vwnzva camciuq."

Fuzsuih Yen Cwnghaz Diuyenz Caeuq Veijyenz Lenzlozveij cujyin Liengz Sinhnyung naeuz: "Gou aeu haeujlaeg hag gij cingsaenz cungjsuhgi daezok de——'miz saeh hozunq doxyaeng, saeh vunz lai youz caezgya doxyaeng', doicaenh hong cwnghaz ietraez daengz gihcwnz, fazveih gij youhsi doxyaeng minzcuj yinzminz cwnghaz, gietcomz gij dungxcaiz gak fueng, miz bouhloh bae cujeiz veijyenz roengz gihcwnz, hopheux gij cwngcwz caeuq gij cungsim dangjveij cwngfuj guhhong, baujcaeng gij fueng-yiengq deng."

Bingzgoj Si Cozgyah Hezvei fucujisiz Yiz Ciz naeuz: "Gou dwg boux canghraiz youq gihcwnz ndeu, gag roxnyinh gij sawjmingh miznaj caeuq aenrap hungnaek. Baezlaeng, gou aeu gij cingsaenz gangjavah cungjsuhgi guh dazyinx, doxgiet daiqlingx daengx si boux guh hongvwnzyi, caeuq seizdaih caez bae, caeuq lwgminz caemh sim, haeuj gij saedceij ndawde bae, youq ndaw lwgminz roengz rag, gij 'din, da, uk, bit' cungj aeu doxhab hwnjdaej, gag rox gingz mbaw geiz,

comz simvunz, ganq bouxmoq, hwngfat vwnzva, langhbaiz yienghndei raeuz."

Sihlinz Yen Nazlaur Nungzminz Vwnzyoz Cangcoz Hezvei veicangj, Sihlinz Yen Nazlaur Cin Mbanjnazlaur "Duzsuhgvanj Bouxguhnaz" bouxguenjieix Vangz Civeij cujeiz vunzmbanj yawj daihhoih. Yawj sat le, de lij heuh vunzmbanj gangj, sij gij gamjsouh okdaeuj. De naeuz: "Gou roxnyinh, aenvih Cunghgoz Gungcanjdangj haenqrengz buekguh, ndigah cij miz gij saedceij vuenyungz ngoenzneix, raeuz aeu insik gij vuenyungz daeuj ndaej mbouj yungzheih neix, geiqmaenh lizsij aendangj, ciengxlwenx riengz aendangj byaij! Gaenlaeng, gou yae daiq ndei aen duivuj hezvei, roengzrengz raizok gij faenzcieng ndei cij hab gij iugouz seizdaih. Caemhcaiq, ganq engqlai bouxguhnaz sij faenzcieng, gujli gyoengqde lai yawj saw, lai hag gij gisuz gohyoz, okrengz hwngguh lajmbanj!"

Gvangsiah Minzcuz Dayoz hagseng Suh Danhni naeuz: "Cungjsuhgi gangj, gyoengq bouxcoz Cungguek seizdaih moq aeu dawz aenrap saedyienh Cunghvaz Minzcuz fukhwng hungmbwk. Gou haeujlaeg hag gij lizsij aendangj le, roxnyinh seizdaih moq gij maqmuengh guekgya youq laeng bouxcoz. Doeklaeng, gou aeu hag ndei gij cihsiz, gij swhsiengj hix aeu riengz aendangj byaij, doiq swheij aeu yiemz, mboujduenh muzlien swheij, roengzrengz baenz boux gungcanjdangjyenz miznaj ndeu."

Ngoenzde, Gvangsiah Minzcuz Bause sojmiz vunz cungj doxcomz yawj le aen cigboq daihhoih. Caezgya simcingz gikdoengh fouzbeij, cungj naeuz mbouj miz Cunghgoz Gungcanjdangj lingjdaej, couh mbouj miz gij ndwenngoenz vuenyungz gak cuz lwgminz ngoenzneix. Dwg aendangj bang Bouxcuengh raeuz cauha Sawcuengh, hawj aen minzcuz raeuz miz gij saw dungjyiz. Doeklaeng aeu rox aencingz aendangj, dingq vah aendangj, riengz aendangj yamq bae, seizdaih moq aeu guh ndei gij hongsaeh sinhvwnz yizlun aendangj, okrengz cauha-lae aen Guengjsae gyaunde, saedyienh aen loqsiengj fuk-hwng.